

TOLOSAKO UDALA

TOLOSAN ETXEBIZITZAK ALOKATZEKO DIRULAGUNTZAK EMATEKO 2023. URTERAKO DEIALDIA

Aipatutako dirulaguntzak elkarrekiko lehiarik gabeko konkurrentzia-araubidean eta Tolosako Dirulaguntzen Ordenantza Nagusian ezarritakoa betez emango dira.

Ordenantza hori 2017ko apirilaren 25eko osoko bilkuran onetsi zen eta GAO on argitaratu zen, 130. zenbakian, uztailaren 7an.

Tolosako Udalaren Dirulaguntzei buruzko Ordenantza Orokorra, udal honen Osoko Bilkurak 2017ko apirilaren 25ean onartua eta 2017ko uztailaren 7ko Gipuzkoako Aldizkari Ofizialean argitaratua (130.zkia); ondoren, Udalbatzak, 2023ko urtarrilaren 26an eginiko osoko bilkuran, hasierako izaeraz onartu zuen Tolosako Udalaren eta bere Erakunde Publikoen Dirulaguntzen Ordenantza Orokor Araztailea aldatzea. 2023ko apirilaren 11ko Gipuzkoako Aldizkari Ofizialean argitaratua (68 zk.)

Bestalde, Udalbatzarrak, 2022ko irailaren 29an egindako osoko bilkuran, hasierako onarpena eman zion Tolosako Udalean Etxebizitzak alokatzeko dirulaguntzak emateko oinarriak arautzen dituen ordenantzaren aldaketari.

Ander Figuerido Zubiria jaunak Tolosako Udaleko Etxebizitza azpisaileko zinegotzi delegatuak, 2023ko urriaren 30ean emandako 2023/2402 Dekretuan, udalerrri honetan etxebizitzak alokatzeko dirulaguntzak emateko 2023 urteko deialdia onartu du.

Eskaerak aurkezteko epea 20 naturalekoa izango da Azaroaren 7tik azaroaren 27ra bitartekoa (biak barne).

1. artikulua. Dirulaguntzen xedea eta diruz lagun daitekeen aldia.

Laguntza hauen helburua da ohiko bizilekurako etxebizitzaren errenta zati batean ordaintzen laguntzea honako biztanle-talde hauei: 18 eta 35 urte bitarteko gazteak Eusko Jaurlaritzako Lurralde Plangintza, Etxebizitza eta Garraio Sailaren GAZTELAGUN programatik kanpo geratuko balira, bananduak eta dibortziatuak, amaitutako izatezko bikoteak eta guraso bakarreko familiak, alokairu erregimenean etxebizitza batean bizi diren 70 urtetik gorako pertsonak, beti ere jabetzan etxebizitzarik ez duten bitartean, Alargunak, beti ere etxebizitzarik jabetzan ez duten bitartean. Modu berean, laguntza hauek eskuratu ahal izango dituzte Udalaren Gizarte Zerbitzuek behar bezala justifikatutako egoeretan, etxebizitza tutelatuta bat eskuratzeko duten pertsonak eta Udalak, egoera hori konpontzeko behar diren baliabideak ez dituen neurrian eta beti ere jabetzan etxebizitzarik ez duten bitartean. Bukatzeko Mugikortasun urria duten pertsonak (7 eta 15 bitarteko puntuak) bai eta ezgaitasun absolutua duten pertsonak ere.

Etxebizitza partekatzen duten guztiak izan daitezke onuradun, baldin eta errentamendu kontratua denek sinatzen badute banan-banan. Kasu horretan, eskatzaile bakoitza bizikidetzaren unitate independentetzat hartuko da eta kontratua sinatu duten guztien artean hainbanatuta konputatuko da errenta (alokairua).

Izatezko bikoteak edo ezkontideak bizikidetzaren unitate gisa hartzen dira.

Deialdi honetan eta berau arautzen duen ordenantzan ezarritako baldintzen arabera tramitatu eta emango da dirulaguntza, eta onuradunak gutxienez hamabi hilabetean izandako alokairu-gastua ordaintzeko izango da, eta betiere, baldintza horiek epealdi horretan zehar mantentzen baldin badira.

Araudi honetan jasotakorako, alokairuaren edo diruz lagundu daitekeenaren kontzeptutik kanpo geldituko dira garajeei eta komunitate eta administrazioko gastuei dagozkienak, bai eta kontribuzio edo zerga kontzeptupean sor daitezkeenak ere, dagokion kontratuan berariaz sartuta egonda ere.

Alokairuko hileko kuotatik 30 euroko balio finko bat kenduko da, aurreko paragrafoan deskribatutako garaje edo komunitate gastuengatik, baldin eta alokairu kontratuan sartuta badaude eta ez bada horietako bakoitzaren hileko kostuaren berariazko justifikaziorik aurkezten.

Beste erakunde batzuen dirulaguntzak.

Udal laguntza hauen eskatzaileek ezingo dituzte laguntza hauek eskuratu, baldin eta beste erakunde batzuetatik antzeko laguntza jasotzen badute, alokairuaren errenta ordaintzeko laguntza moduan.

Eusko Jaurlaritzaren Gaztelagun programako laguntza-eskaerak lehentasuna izango du udal-laguntza honen aurretik. Alde horretatik, eskatzaileak nahitaez eta udal-laguntzarekiko lehentasunez izan beharko du tramitatu Jaurlaritzaren laguntza, eta Jaurlaritzaren hura ez badu lortzen bakarrik izango du udal laguntza hauek jasotzeko eskubidea. Eusko Jaurlaritzaren laguntza nahitaez tramitatu behar horrek salbuespen bat izango du; hain zuzen ere, udal laguntzen kudeatzaileak izaera objektiboz zehaztea eskatzaileak ez lituzkeela beteko, inolaz ere, Eusko Jaurlaritzaren laguntza jasotzeko baldintzen oinarriak.

Irizpide bera mantenduko da etxebizitzako laguntza osagarrien kasuan (Lanbide) eta Eskubide Subjetiboko Prestazioen kasuan ere.

2. artikulua. Dirulaguntzen Plan Estrategikoan txertatzea

Dirulaguntza lerro hau 2023-2025 Tolosako Udalaren Dirulaguntzen Plan Estrategikoan txertatua dago, Udalbatzak, 2022ko abenduaren 15ean eginiko Osoko Bilkuran onartua, eta GAO 2023ko otsailaren 1ean argitaratua (21 zk.).

Dirulaguntzen Plan Estrategiko horretan zehazten dira zein helburu eta ondorio iritsi nahi diren dirulaguntza hau aplikatuta, zein diren horiek lortzeko epea, aurreikusitako kostuak eta bere finantzaketa-iturriak, baina, betiere, aurrekontu-egonkortasuneko helburuak betetzeko baldintzarekin.

3. artikulua. Pertsona edo bizikidetzaren unitate onuradunak.

Oinarri hauetan araututako laguntzen onuradun izan ahal izango dira, laguntzetarako deialdia Gipuzkoako ALDIZKARI OFIZIALEAN argitaratzen den egunean eta diruz lagunduko den epealdian zehar, baldintza hauek betetzen dituzten pertsonak edo bizikidetzaren unitateak:

A) 18 eta 35 urte (hau barne) bitarteko adina duten gazteak, beti ere Eusko Jaurlaritzako Lurralde Plangintza, Etxebizitza eta Garraio Sailaren GAZTELAGUN programatik kanpo



geratuko balira.

B) Bananduak, dibortziatuak (epai judizial irmoarekin) desagertutako izatezko bikoteak eta guraso bakarreko familiak.

C) Alokairu erregimenean etxebizitza batean dauden 70 urtetik gorako pertsonak, beti ere jabetzan etxebizitzarik ez duten bitartean.

D) Alargunak, beti ere jabetzan etxebizitzarik ez duten bitartean.

E) Modu berean, laguntza hauek eskuratu ahal izango dituzte, Udalaren Gizarte Zerbitzuek behar bezala justifikatutako egoeretan, etxebizitza tutelatu bat eskuratzeko duten pertsonak eta Udalak, egoera hori konpontzeko behar diren baliabideak ez dituen neurrian eta beti ere jabetzan etxebizitzarik ez duten bitartean (ikusi "eskatzaileen betekizunak" atala)

F) Mugikortasun urria duten pertsonak (7 eta 15 bitarteko puntuak), bai eta ezgaitasun absolutua duten pertsonak ere.

3.1. Eskatzaileen betekizunak

a) Eskatzaile edo bizikidetzaren unitateko kideetatik inork ez izatea beren jabetzan etxebizitzarik, herentzia edo dohaintza bidez eskuratutako etxebizitza baten edo batzuen titularkide diren kasuetan izan ezik, baldin eta titularkidetasun horren portzentajeak ez badu % 50 gainditzen eta etxebizitzetako partaidetzen balioa 75.000,00 eurotik gorakoa ez bada.

Hala ere, laguntza eskatu ahal izango dute etxebizitza baten % 50etik gorako jabetza dutenek, etxebizitza hori erabili ezin badute, bananduta edo dibortziatuta daudenean, edo izatezko bikotea iraungitzen denean. Kasu horietan, epai judiziala eta hitzarmen arau-emailea aurkeztu beharko dira, etxebizitzaren erabilera beste ezkontideari eman zaiola egiaztatzeko.

b) Eskatzailearen bizikidetzaren unitatea osatzen duten pertsona guztiek dirulaguntzaren xede den etxebizitzan erroldatu beharko dute kontratua formalizatu ondoren, eta hori laguntza jaso aurretik egiaztatu beharko dute.

Halaber, kontratua hasi baino lehenagoko datarekin, kontratuaren titular ez den pertsonarik badago etxebizitzan erroldatuta, kontratuaren titularrek erroldan baja-eskaera egin beharko dute pertsona horientzat, diruz lagun daitekeen epearen barruan.

c) Errolda baldintza: bizikidetzaren unitatea osatzen duten pertsonak Tolosako herrian erroldatuta egon izana, gutxienez 3 urteko etenik gabeko antzinasunarekin, eskaera aurkezten den unean, edo, behintzat, beste momentu batean, etenik gabe 5 urtez udalerrian erroldaturik egon izana eskaera aurkezteko unean.

d) Diru-sarrera baldintzak: bizikidetzaren unitateko diru-sarrera gordinen mugak (zerga-oinarri orokorraren eta aurrezkiaren batura), honako hauek izango dira:

BIZIKIDETZA UNITATEA/	GAZTEAK (GAZTELAGUN programatik kanpo)/	GAINONTZEKOAK/
Eskatzaile indibiduala/	25.921€ - 30.000€	3.000€ - 30.000€
2 kideko familia unitateak	31.741€ -35.000€	3.000€ -35.000€



	31.741€ - 40.000€	3.000€ - 40.000€
<i>Familia ugariak/5 bizikide edo gehiago</i>	33.857€ - 45.000€	3.000€ - 45.000€

(*) Deialdi honetan gazteentzat ezarritako diru-sarreraren gordinen gutxieneko zenbatekoak ez dira alokairurako dirulaguntzei buruzko ordenantza espezifikoan ezarritakoak.

Alde horren arrazoia da Eusko Jaurlaritzaren GAZTELAGUN programak handitu egin dituela urteko gehieneko diru-sarreraren gordinen mugak.

Banandu, dibortziatuen eta iraungitako izatezko bikoteen kasuan, diru-sarreraren zenbatekoa kalkulatzeko seme-alabengatik mantenu pentsioa eta hipoteka kargei dagokien hileroko kuoten zenbatekoak kenduko zaizkie.

e) Diru-sarreraren osaketari dagokionez, amaitutako azken zerga-ekitaldiko kapital errentetarik eratorritako errendimendu gordinen zenbatekoa ezin izango da urtean 601,10 eurotik gorakoa izan.

f) Bizikidetzaren unitateko kide guztiek Tolosako Udaleko zerga, tasa, ariel eta zehapenen ordainketak egunero izan behar dituzte.

g) Onuradunaren eta errentatzailearen artean ezin izango da inolako familia- loturarik izan odolkitetasun edo ahaidetasuneko bigarren mailaraino.

h) Eskatzaileek Etxebiden izena emanda daudela edo izena emateko eskabidea aurkeztu dutela egiaztatu beharko dute.

i) Edozein kasutan, onuraduntzat jotzeko, egiaztatu beharko da Dirulaguntzen 38/2003 Lege Orokorraren 13. artikuluan eta 887/2006 Errege Dekretuaren 18. artikulutik 29.era bitartekoetan, eta Tolosako Udaleko dirulaguntzak emateko oinarri orokorretan ezarritako baldintzak bete izana.

j) Gizarte Segurantzako betebeharrak eta Zerga obligazioak egunero izatea.

k) Eskaera egin aurretik pertsona horri edo haren bizikidetzaren unitateko edozein kideri legokiokeen eskubide edo prestazio ekonomiko oro baliatzea (ikus beste erakunde batzuen antzeko programetako diru-laguntzei buruzko atala. 1º artikulua)

4. artikulua. Etxebizitzek bete beharreko baldintzak.

1. Diruz lagunduko den etxebizitzak Tolosako udalerrian kokatuta egon beharko du eta dagokion bizigarritasun-lizentzia eta hirigintza-onarpena izan behar ditu.

2. Edonola ere, etxebizitzak gutxienez bizigarritasun baldintza hauek bete beharko ditu:

- Erabiltzeko moduan dagoen sukaldea, elikatze-iturria elektrikoa edo gasezkoa duena, eta behar bezala hornitua.
- Duxa edo bainuontzia duen bainugela.
- Erabiltzeko egoeran dagoen ur bero sistema, bainugela eta sukaldea.
- Erabiltzeko egoeran dagoen 220 voltetako instalazio elektrikoa, dagokion buletinarekin.
- Iturriko ura izatea.
- Saneamendua sare orokorrera lotuta.
- Kalerako aireztatzea.

- Bizikidetzaren unitateko bi pertsonako (gehienez) logela bat.

5. artikulua. Baztertzeak.

Ez dira dirulaguntzaren onuradun izango honako egoera hauetan aurkitzen diren eskaerak:

- a) Ondorengo etxebizitzak:
 - a) Sustapen publikoko babes ofizialeko etxebizitzak.
 - b) Berrakuratuak.
 - c) Logelen alokairuak (logela eskubidea).
 - d) Etxebizitza gisa erabilitako lokalak.
 - e) Bizigune programaren barruan dauden alokairu etxebizitzak.
- b) Alokairuaren gehieneko zenbatekoak:

BIZIKIDETZA UNITATEA Unidad convivencial	ALOKAIRUAREN GEHIENEZKO ZENBATEKOA
Eskatzaile indibiduala	750€
2 kideko familia unitateak	800€
3 edo 4 kideko familia-unitateak	900€
Familia ugariak/5 bizikide edo gehiago	1.000€

- c) Ez da onartuko urtebete baino iraupen txikiagoa duen kontraturik.
- d) Euren izaera edo helburua kontuan izanik, beste udal sail edo erakunde autonomoren baten programei zuzendu beharrekoak (EPO, Gaztelagun, Etxebizitza eskubide subjektiboa, eta abar).

6. artikulua. Partida eta aurrekontuko diru-hornidura.

Deialdi honetan emango diren dirulaguntzen zenbatekoa, guztira, 85.000 eurokoa izango da, eta hori 2023. urterako Tolosako Udalaren Aurrekontu Orokorren partida honetatik egingo da:

0600.480.01.152.40 zenbakidun «Alokairurako dirulaguntzak» partida.

7. artikulua. Aurkeztu beharreko agiriak:

Eskaerak aurkezteko, Udalaren Herritarren Arreta Zerbitzuan (UDATE) edo haren web orrian, dirulaguntza programaren barruan, eskura daitekeen eskaera-eredua erabili behar da.

7.1. Aurkeztu beharreko dokumentazioa:

39/2015 Legearen 28.artikuluan, 2016/679 (EB) Erregelamenduaren 6.1. artikuluan eta 38/ 2003 Legearen 14. artikuluan ezarritakoari jarraikiz, Tolosako Udalak zuzenean kontsultatuko du bere datu-baseetan eta administrazio eskudunean –NISAE elkarreragingarritasun-nodoaren bidez–, baldintzak betetzen direla egiaztatzeko behar den informazioa, eta, bereziki, honako datu hauek:

- 1.- Foru Ogasunari kontsulta, zerga-betebeharretan egunean egoteari buruz.
- 2.- Gizarte Segurantzari kontsulta, ordainketetan egunean egoteari buruz.

- 3.-Tolosako Udalari kontsulta, ordainketetan egunean egoteari buruz.
 - 4.-Eusko Jaurlaritzari kontsulta, familia ugariaren tituluari buruz.
 - 5.- Gizarte Segurantzako Diruzaintza Orokorrari kontsulta, lan-ibilbideari buruz.
 - 6.- Etxebideri kontsulta, etxebizitzaren prestazio ekonomikoei buruz (Eskubide subjektiboa, GAZTELAGUN)
 - 7.- Gipuzkoako Foru Aldundiari kontsulta, errenta-mailari buruz.
 - 8.- Gipuzkoako Foru Aldundiari kontsulta, ondasun higieziari buruz.
- **** Udalak informazio hori kontsultatzeko, bizikidetzaren unitateko adin nagusiko kide guztien baimena behar du.

7.2. Kasu guztietan:

1. Eskaera-orria.
2. Ordezkaritza-agiria (hala badagokio).

3. Identifikazioa:

- Banatze edo dibortzio kasuan, **epai irmoa**. Izatezko bikoteen kasuan, **Izatezko Bikoteen Erregistroak inskripzioa indargabetzearen dokumentua**.
- Hala badagokio, gurasoen eta seme-alaben arteko neurriak jasotzen dituen **hitzarmen arautzailea**.
- **Mantenu-pentsioaren eta hipoteka-kargen hileroko ordainketaren ziurtagiriak**.

4. Diru-sarrerak (titular guztiei dagozkienak)

- a) **PFEZ aitortu/aitortzen baduzu:**
 - **PFEZren aitortpena**, azken ekitaldi fiskalekoa.
 - Hala badagokio, **kontuzkariaren gabeko prestazioen egiaztatzea**.
- b) **PFEZ aitortu/aitortzen ez baduzu (eta egin ez baduzu):**
 - Itxitako azken ekitaldian **PFEZ aitortu beharrik** ez duzula egiaztatzen duen Foru Ogasunaren **egiaztatzea**.
 - Besteren konturako langilea bazara, **azken ekitaldiko 10-T agiria**.
- c) **Pentsioduna** bazara edo bestelako **beka, prestazio edo sorospenik** (Gizarte Ongizatekoak barne) jasoz gero, dagokion egiaztatzea, **itxitako azken ekitaldi fiskalekoa**.

5. Etxebizitzarik eza:

- **Estatuan** etxebizitza baten **jabe ez izatearen ziurtagiria** (bizikidetzaren unitateko adin nagusiko kide guztientzat), **Jabetza Erregistroak** igorria azken 30 egunetan. *Tolosako bulegoaren helbidea: San Joan Plaza, 2.*

Etxebizitza baten titularkide izanez gero:

- **Herentzien** kasuan, herentziaren onarpen-agiria eta etxebizitza-partaidetzaren eskritura.
- **Dohaintzen** kasuan, dohaintza-eskritura.

- **Partaidetza saldu** bada, eskualdatzearen eskritura.

6. Etxebizitzaren alokairua

- **Alokairu-kontratua**, indarrean dagoena eta gutxienez 12 hilabeteko iraupena duena.
- Alokairu-kontratuari dagozkion **hileko ordainagiriak**.

7. Etxebiden inskripzioa

- Inskribatuta edo salbuetsita ez bazaude, **inskripzio-dokumentua**.

Agiriak kontsultatzearen aurka egin bada, horiez gain, hauek ere aurkeztu beharko dira "Udalak kontsultatuko dituen agiriak" deritzon atalean jarritakoak.

7.3. Arazo teknikoak direla-eta kontsulta horiek ezin badira egin elkarreragingarritasun-nodoaren bidez, interesdunak ordenantza honetan ezarritako baldintzak betetzen dituela egiaztatzen duten agiriak aurkeztu beharko ditu

8.. artikulua. Dirulaguntzaren zenbatekoa.

Dirulaguntzen zenbatekoa. Dirulaguntzaren zenbatekoa errentaren arabera finkatuko da: errenta konputagarriaren portzentaje bat izango da, eskaera bakoitzeko hileko 250 euroko gehieneko muga izango du, eta gehienez 12 hilabeterako emango da, diru-sarreraren arabera.

Etxebizitza Tolosako Hirigune Historikoan badago, dirulaguntzaren zenbatekoa izango da hileko errenta konputagarriaren portzentaje bat, gehi 50 euro, betiere eskaera bakoitzeko hileko 300 euroko gehieneko mugarekin, gehienez 12 hilabeteko epealdirako, diru-sarreraren arabera.

DIRU SARRERA TARTEAK	
Diru sarrerak	Dirulaguntza
15.000 € arte	Alokairuaren % 60
15.0001 € - 21.000 €	Alokairuaren % 50
21.0001 € - 30.000 €	Alokairuaren % 40
30.0001 € - 37.000 €	Alokairuaren % 30
37.0001 € -45.000 €	Alokairuaren % 20

Diruz lagundu daitekeen zenbatekoa kuantifikatzeko, kontuan hartuko da dirulaguntzaren oinarri arautzailearen 1. artikuluan bazterketei buruz ezarritakoa. Era berean, errenta konputagarria ere artikuluko horretan aurreikusitakoaren arabera kalkulatu da, alokairua partekatzen denean aplikatu diren xedapenak kontuan izanda.

9. artikulua. Eskaerak aurkezteko epea eta forma:

Eskaerak aurkezteko epea 20 naturalekoa izango da Azaroaren 7tik azaroaren 27ra bitartekoa (biak barne).

Honela aurkeztuko dira:

- Presentzialki, Udalaren Erregistro Orokorrean (UDATEn) .
- Tolosako Udalaren erregistro telematikoaren bidez, edo *Administrazio Publikoaren*

Administrazio Prozedura Erkidearen urriaren 1eko 39/2015 Legearen 16.4 artikuluan adierazitako gainerako erregistro elektronikoen bidez.

Hauetz gainera, beste modu hauetan ere aurkeztu ahal izango dira:

- a) Posta-bulegoetan, erregelamenduz ezartzen den moduan.
- b) Espainiak atzerrian dituen ordezkaritza diplomatikoetan edo bulego kontsularretan.
- c) Erregistro-gaietan laguntzeko bulegoetan.
- d) Indarrean dauden xedapenetan ezarritako beste edozein tokitan.

10. artikulua. Dirulaguntzen instrukzio eta ebazpenerako organo eskumendunak:

Tolosako Udaleko Etxebizitza Departamentuari dagozkio deialdi honetan aurreikusitako laguntzen espedienteak instruitzeko lanak. Bere partetik, Tolosako Udaleko Etxebizitza azpisaileko zinegotzi delegatua izango da prozedura hau ebazteko organo eskuduna.

11. artikulua. Egiagtagiriak eta horiek aurkezteko epea.

Dirulaguntzaren ordainketa deialdia ebatzi ondoren egingo da eta ebazpenean bertan ordainketa egiteko aginduko da, data horretara arte aurkeztutako ordainagiriaren arabera proportziokoa.

Aurrerago, bigarren ebazpen batean ondoren aurkeztutako ordainagiriaren arabera gainontzeko ordainketa egiteko aginduko da.

Justifikazio agiriak aurkezteko gehieneko epea 2024ko otsailaren 29a izango da.

Aurkeztu beharreko egiagtagiriak etxebizitzak alokatzeko dirulaguntzak emateko oinarrietako 9. artikuluan zerrendatutako agiriak dira.

12. artikulua Dirulaguntza onartua izan ondoren aurkeztu beharreko agiri justifikagarriak:

Oro har, oinarri hauen xede diren dirulaguntzak justifikatzeko, justifikazio-agiri hauek aurkeztu beharko dira:

- a) Alokairu-kontratuari dagozkion hilekoen ordainagiriak.
- b) Bananduen edo dibortziatuen kasuan, mantenu-pentsioen eta hipoteka-kuoten hileko ordainagiriak.
- c) Administrazioarekiko zerga- betebeharrak eta Gizarte Segurantzarekikoak egunean dituela egiagtatzen duen agiria, aurka egiteko eskubidea baliatu badu.
- d) Diruz lagundutako alokairua finantzatu duten beste diru-sarrera edo dirulaguntza batzuen zerrenda zehatza, zenbatekoa eta jatorria adierazita.

Gastuak justifikatzeko, fakturak eta merkataritzako trafiko juridikoan froga-balio bera duten edo eraginkortasun administratiboa duten gainerako dokumentuak erabiliko dira.

13. artikulua. Datuak babesterai buruzko oinarrizko informazioa

Tratamenduaren arduraduna: Tolosako Udala, Plaza Zaharra 6, 20400 Tolosa (Gipuzkoa). Datuak Babesteko ordezkaria: dbdelegatua@tolosa.eus

Helburua: Dirulaguntzen eskaerekin lotutako eskaerak kudeatzea eta eta izapidetzea.

Zilegitasuna: Datu Pertsonalak Babesteari eta Eskubide Digitalak Bermatzeari buruzko

abenduaren 5eko 3/2018 Lege Organikoaren 8.1 eta 2. artikulua: legezko betebeharragatik, interes publikoagatik edo botere publikoak baliatzeagatik eginiko datuen tratamendua.

Komunikazioen hartzailak: Tolosako Udalak zure datuak Eusko Jaurlaritzari jakinarazi ahal izango dizkio.

Eskubideak: Datuetara sarbidea izateko, datuak zuzentzeko, ezerezteko, datuen aurka egiteko, datuak transferitzeko eta datuak mugatzeko eskubidea duzu, baita Datuak Babesteko Euskal Bulegoan erreklamazioa aurkeztekoa ere. Informazio gehiago nahi izanez gero, kontsultatu informazio gehigarria.

Informazio gehigarria: Datuak babesteari buruzko informazio gehigarria eta zehatza kontsulta dezakezu gure webguneko datuak babesteari buruzko atalean: www.tolosa.eus

14. artikulua. Ebazpena eta jakinarazpena.

Prozeduraren ebazpenak amaiera emango dio administrazio-bideari, eta espedienteak tramitatu eta ebazteko eta behar diren jakinarazpenak egiteko epea sei hilabetekoa izango da gehienez. Epe hori deialdia argitaratzen denean hasiko da.

Prozeduraren ebazpena interesdunei jakinaraziko zaie, urriaren 1eko 39/2015 Legearen 40. artikuluan eta hurrengoetan xedatutakoaren arabera.

Organo eskudunak:

Prozedura bideratzeko organo eskuduna: Etxebizitza Saileko teknikaria.

Balorazio Batzordea: Antolakuntza Batzordea.

Prozedurak ebazteko organo eskuduna: Tolosako Udaleko Idazkaritza Orokor, Kontratazio eta Ondare Azpisaileko zinegotzi delegatua.

15. artikulua. Eskaerak birformulatzea.

Aurkeztutako eskaerak ikusita, **20.000 euroko** zenbateko gehigarri bat onartu ahal izango da, dagokion aurrekontu-aldaketa onartu ondoren, dirulaguntza emateko ebazpena eman baino lehen.

Ezingo da deialdia ebatzi kreditu nahikoa eta egokia dagoela egiaztatu arte.

Aurrekontu kreditua handitzearen ondorioz dirulaguntzen hasierako diru-hornidura handitzeko, ez da deialdia berriro argitaratu beharko eraginkorra izan dadin.

16. artikulua. Errekurtsoak

Interesatuak deialdi honen aurka zuzenean administrazioarekiko auzi errekurtsoa aurkez dezakete Donostiako Administrazioarekiko Auzien Epaitegietan, argitaratutako egunaren biharamunetik hasi eta bi hilabeteko epean.

Hala ere, interesatu guztiek eskubidea dute horren aurretik, alkatearen aurrean aukerako birjarpen helegitea tartekatze, argitaratutako egunaren biharamunetik hasi eta hilabeteko epean. Hori eginez gero, ezingo da administrazioarekiko auzi errekurtsorik aurkeztu, harik eta berraztertzekoaren berariazko ebazpena eman edo ustezko ezespina gertatu arte. Dena dela, egoki irizitako beste edozein errekurtso aurkez daiteke.